




# ხაშურის მთაშუა



№29 (230)

29 ივლისი, ორშაბათი,

2019 წელი

## სოფლებში - ყობში და ღუდაში მზის ელექტროსადგურები დამონტაჟდება

უშუქოდ დარჩენილ სოფლებში მზის ელექტროსადგურების მონტაჟი სექტემბრიდან დაიწყება და იანვრის ბოლომდე დასრულდება. ამის შესახებ ინფორმაციას „მთის ამბები“ ავრცელებს. სააგენტოს ცნობით, საქართველოს მასშტაბით, ასეთი მომსახურებით 178 ოჯახი ისარგებლებს.

მითითებულ ინფორმაციაში შიდა ქართლის სოფლებიცაა, სადაც ელექტროსადგურები დამონტაჟდება. მათ შორის, ორი სოფელი ხაშურის მუნიციპალიტეტშია - ყობი და ღუდა.

„ტენდერში, რომლის ღირებულებაც 2 545 400 ლარია, კომპანია „იუჯითიმ“ გაიმარჯვა. 178 ოჯახს მუდმივად ექნება ელექტროენერჯია. სიმძლავრე ტელევიზორის, მაცივრის, სარეცხი მანქანისა და წყლის გამაცხელებლის მუშაობასაც ეყოფა.“ - აღნიშნულია სტატიაში.

ტენდერში გამარჯვებული კომპანია ვალდებულია მზის ელექტროსადგურის სისტემის დამონტაჟების შემდეგ მომხმარებელს ელექტროენერჯია სახლში შეუყვანოს. ამასთან, უნდა დააყენოს სულ მცირე 4 დენცკვიტა (შტეფსელი) და 4 ნათურა. მზის ბატარეებზე მწარმოებლის გარანტია 25 წელია, კომპანია კი მათი დამონტაჟებიდან 3 წლის განმავლობაში ვალდებულია უზრუნველყოს სისტემის გამართული მუშაობა. ამასთან, საგარანტიო პერიოდში კომპანიას მომხმარებლებისთვის ცხელი ხაზიც უნდა ჰქონდეს.

სპეციალისტების განმარტებით, სისტემა 1600 კვტ-იანი -ის პანელებისგან შედგება, რომელიც ყველაზე ხარისხიანი და ძვირადღირებულია. მომხმარებელს ელექტროენერჯია, ზედიზედ



რამდენიმე დღის განმავლობაში, ცუდი ამინდის დროსაც კი არ გათიშება, მზიან ამინდში კი ერთდროულად შეძლებს ნათურის, ტელევიზორის, მაცივრის, სარეცხი მანქანისა და წყლის გამაცხელებლის ჩართვას. ერთი მზის ელექტროსადგურის აწეობაზე 14 300 ლარია გათვალისწინებული.



## ხაშურის მე-5 და ოსიაურის საჯარო სკოლების რეაბილიტაცია აგვისტოს შუა რიცხვებში დასრულდება

ხაშურში, ჯორჯაძის ქუჩაზე, №5 საჯარო სკოლის და სოფელ ოსიარის საჯარო სკოლაში სარეაბილიტაციო სამუშაოები მიმდინარეობს. სამუშაოებს ადგილზე ეცნობოდნენ მუნიციპალიტეტის მერი გიორგი გურასპაშვილი, მერის მოადგილე ზურაბ როსებაშვილი და ინფრასტრუქტურის განყოფილების უფროსი გიორგი პაპიაშვილი. №5 საჯარო სკოლაში, პროექტის ფარგლებში, გათვალისწინებულია იატაკების და კედლების განახლება. რომლის ჯამური ღირებულება 58 070 ლარს შეადგენს. ოსიაურის საჯარო სკოლაში, ამ ეტაპზე, მიმდინარეობს კედლების გადგენა-გათეთრება, პარალელურად, იცვლება იატაკიც, რომლისთვისაც 52 514 ლარია გამოყოფილი. ორივე სკოლის სარეაბილიტაციო სამუშაოები აგვისტოს შუა რიცხვებში დასრულდება.

## საქართველოს რკინიგზის ხელმძღვანელები ხაშურის რკინიგზის კვანძის მუშა-მოსამსახურეებს შეხვდნენ

ამ დღეებში, საქართველოს რკინიგზელთა პროფკავშირის ინიციატივით, გზის ხელმძღვანელობა შეხვდა ხაშურის კვანძზე დასაქმებულ მუშა-მოსამსახურეებს. შეხვედრებმა, რომლებშიც მონაწილეობდნენ გენერალური დირექტორი დავით ფერაძე, ხელმძღვანელი მუშაკები, მოიცვა კვანძში შემავალი ყველა ორგანიზაცია. სადგურ ხაშურში, სალოკომოტივო და სავაგონო დეპოებში, სალიანდაგო, ელმომარაგების და სხვა სამმართველოებში დ. ფერაძემ, გ. გელაშვილმა, სხვა გამომსვლელებმა ვრცლად ილაპარაკეს რკინიგზაზე დასაქმებულ მუშაკთა შრომის პირობების გაუმჯობესებისა და უსაფრთხოების გაძლიერებისათვის უკანასკნელ პერიოდში გატარებული ღონისძიებების შესახებ, აგრეთვე იმ გამოწვევებზე, რაც დღეისათვის დგას, ზოგადად, ქვეყნისა და კონკრეტულად რკინიგზის წინაშე. პასუხი გასცეს დასმულ შეკითხვებს.

შეხვედრაზე სასიამოვნო ინფორმაციაც გაუღერდა: 2020 წლიდან გათვალისწინებულია ხელფასების მომატება იმ კატეგორიის მუშაკთათვის, რომელთაც 1500 ლარზე ნაკლები აქვთ.



## ხაშურის მუნიციპალიტეტის სოფელ წრომში ამბულატორიის რეაბილიტაცია მიმდინარეობს

სამუშაოების მიმდინარეობას ადგილზე ეცნობოდნენ მუნიციპალიტეტის მერი გიორგი გურასპაშვილი, მერის მოადგილე ზურაბ როსებაშვილი და ინფრასტრუქტურის განყოფილების უფროსი გიორგი პაპიაშვილი.

მათი განმარტებით, აღნიშნული ღონისძიება ჯანმრთელობისათვის უსაფრთხო გარემოს უზრუნველყოფის ხელშეწყობის პროგრამის ფარგლებში ხორციელდება.

პროექტის ჯამური ღირებულება 59 624 ლარს შეადგენს, სამუშაოები კი ოქტომბრის ბოლოსთვის დასრულდება.

ამბულატორია ეწყობა ასევე ალის ადმინისტრაციული ერთეულის სოფელ ნაბახტევში, პროექტის ჯამური ღირებულება 16 227 ლარს შეადგენს და სამუშაოები სექტემბრის შუა რიცხვებში დასრულდება.



### 35 დასახელების მედიკამენტებს ქრონიკულად დაავადებული სოციალურად დაუცველები, პენსიონერები და შეზღუდული შესაძლებლობის პირები სიმბოლურ ერთ ლარად შეძლებენ

დღეიდან სოციალურად დაუცველ პირებთან ერთად, ყველა ჯგუფს, პენსიონერებს, შეზღუდული შესაძლებლობების მქონე პირებს და სხვა ჯგუფებს 35 დასახელების მედიკამენტების შეძენა 1 ლარად შეეძლება, - ამის შესახებ საქართველოს პრემიერ-მინისტრმა მამუკა ბახტაძემ მთავრობის სხდომამდე გამართულ ბრიფინგზე განაცხადა. „ერთ-ერთ ყველაზე მტკივნეულ გამოწვევად რჩება ის ფაქტი, რომ ჩვენი მოქალაქეების ხარჯი, ე.წ. ჯიბიდან გადახდილი ხარჯები მედიკამენტებისთვის არის ძალიან მაღალი. ჩვენ აქტიურად ვმუშაობდით, რომ ეს პრობლემა მოგვეგვარებინა. დღეს მთავრობაზე გამოგვაქვს ძალიან მნიშვნელოვანი ინიციატივა, ქრონიკული დაავადებების სამკურნალო მედიკამენტების პროგრამაში შეგვაქვს ცვლილება. დღეიდან არსებული დიფერენცირება იხსნება და სოციალურად დაუცველ პირებთან ერთად, ყველა ჯგუფს, პენსიონერებს, შეზღუდული შესაძლებლობების მქონე პირებს და სხვა ჯგუფებს შეეძლება მთელი მედიკამენტების შეძენა ერთ ლარად. საუბარია 35 დასახელების მედიკამენტებზე, რომელიც ძირითადად მოიხმარება 6 ქრონიკული დაავადებისას, ეს



გახლავთ გულსისხლძარღვთა, ფარისებრი ჯირკვლის, ფილტვის, დიაბეტის, ეპილეფსიის და პარკინსონის დაავადებები. მე საზოგადოებას ვპირდები, რომ ჩვენ გავაგრძელებთ ძალიან აქტიურ მუშაობას იმისთვის, რომ ჩვენი შეჭირვებული მოქალაქეებისთვის ჯიბიდან გადახდილი ხარჯები მედიკამენტებისთვის იყოს მინიმალური და ამას ჩვენ აუცილებლად გავაკეთებთ.“ - განაცხადა მამუკა ბახტაძემ.



ზე, რომელიც ძირითადად მოიხმარება 6 ქრონიკული დაავადებისას, ეს გახლავთ გულსისხლძარღვთა, ფარისებრი ჯირკვლის, ფილტვის, დიაბეტის, ეპილეფსიის და პარკინსონის დაავადებები. მე საზოგადოებას ვპირდები, რომ ჩვენ გავაგრძელებთ ძალიან აქტიურ მუშაობას იმისთვის, რომ ჩვენი შეჭირვებული მოქალაქეებისთვის ჯიბიდან გადახდილი ხარჯები მედიკამენტებისთვის იყოს მინიმალური და ამას ჩვენ აუცილებლად გავაკეთებთ.“ - განაცხადა მამუკა ბახტაძემ.

### სსიპ „იურიდიული დახმარების სამსახური“ მოსახლეობას ახალ სერვისს სთავაზობს



23 ივლისს, ხაშურის სამუსიკო სკოლის დარბაზში, სსიპ იურიდიული დახმარების სამსახურის წარმომადგენლებმა გაფართოებული შეხვედრა გამართეს.

შეხვედრას, რომელსაც უძღვებოდნენ სსიპ „იურიდიული დახმარების სამსახურის“ დირექტორი რაჟდენ კუპრაშვილი და ხაშურის მუნიციპალიტეტის მერის პირველი მოადგილე ზვიად ქურდაძე, ხაშურის მუნიციპალიტეტის მერიისა და საკრებულოს წევრები, მათ შორის ადმინისტრაციულ ერთეულებში მერის წარმომადგენლები, საგანმანათლებლო რესურს ცენტრისა და მუნიციპალიტეტის საჯარო სკოლების ხელმძღვანელი პირები, სასამართლოსა და პროკურატურის წარმომადგენლები ესწრებოდნენ.

სსიპ იურიდიული დახმარების სამსახურის დირექტორმა აუდიტორიას გააცნო ინფორმაცია უფასო სამართლებრივი დახმარების სისტემის, დახმარების მიღების წესისა და კრიტერიუმების შესახებ. განიხილეს მიწისა და უძრავი ქონების რეგისტრაციის, ასევე მიგრაციის სამართლებრივი საკითხები. რაჟდენ კუპრაშვილმა აუდიტორიის შეკითხვებსაც უპასუხა.

მნიშვნელოვანია, რომ სსიპ იურიდიული დახმარების სამსახური ხაშურში გეგმავს საკონსულტაციო ცენტრის გახსნას. ხაშურის მუნიციპალიტეტის მერის პირველმა მოადგილემ, ზვიად ქურდაძემ განაცხადა, რომ მუნიციპალიტეტი მზად არის, ჩაერთოს აღნიშნულ პროექტში და თანადგომა გაუწიოს მის განხორციელებას კომპეტენციიდან და არსებული რესურსებიდან გამომდინარე.

საკონსულტაციო ცენტრში შესაძლებელი იქნება ნებისმიერმა პირმა ნებისმიერ საკითხზე მიიღოს უფასო სამართლებრივი კონსულტაცია. სოციალურად დაუცველი პირებისთვის, ცენტრის მეშვეობით, იურიდიული დოკუმენტაციის შედგენა და ადმინისტრაციულ ორგანოში წარმომადგენლობაც იქნება შესაძლებელი.

### ხაშურის მუნიციპალიტეტის სოფელ ვაყაში გზის მოასფალტების სამუშაოები გრძელდება



### სურამში, ბაიანთხევის ტყე-პარკთან დამაკავშირებელი კიბე რეაბილიტირებული იქნება

ხაშურის მუნიციპალიტეტის დაბა სურამში, 9 აპრილის ქუჩაზე, კიბის რეაბილიტაციის სამუშაოები მიმდინარეობს.

პროექტს მუნიციპალიტეტის მერია ადგილობრივი მოსახლეობის თხოვნის საფუძველზე ახორციელებს.

სამუშაოებისთვის მუნიციპალიტეტის ბიუჯეტიდან 15 635 ლარი გამოიყო.

მნიშვნელოვანია, რომ ივლისის ბოლოსთვის, პროექტის განხორციელების შემდეგ, მაცხოვრებლები, აღნიშნულ ტერიტორიაზე, უსაფრთხო და კომფორტულ გადაადგილებას შეძლებენ.

პროექტის მიმდინარეობას ადგილზე ეცნობოდნენ ხაშურის მუნიციპალიტეტის მერი გიორგი გურასპაშვილი, საკრებულოს თავმჯდომარე მიხეილ ჯანაშვილი, მერის მოადგილე ზურაბ როსტომაშვილი და მერიის ეკონომიკის სამსახურის წარმომადგენლები.

მათი განმარტებით, სამუშაოები ადგილობრივი ბიუჯეტისა და რეგიონებში განსახორციელებელი პროექტების ფონდიდან ხორციელდება.

მოასფალტებული 2 400 გრძივი მეტრი გზით, 1 500 ზე მეტი მოსახლე ისარგებლებს, რაც მათ საყოფაცხოვრებო პირობებს მკვეთრად გააუმჯობესებს.

პროექტი ჯამში 1 409 614 ლარს ითვლის და ზაფხულის ბოლოსთვის დასრულდება.





# გადავარჩინოთ გორათის სამაროვანი

ხაშურის ჩრდილო-დასავლეთით, თბილისი-ბათუმის საავტომობილო გზის მარცხენა მხარეს მდებარეობს ადგილი გორათი, რომელიც მრავალმხრივ არის საინტერესო. იგი ნასოფლარია და დღეს ხაშურის ერთ-ერთ უბანს წარმოადგენს.

სულხან-საბა ორბელიანის მიხედვით „გორა მცირე ბორცვაკია“. ამ შემთხვევაში გორათის სახელწოდება მომდინარეობს იმ ბუნებრივი გორებიდან, რომლებიც აქ მდებარეობდა. სამი ბორცვიდან დღეს მხოლოდ ერთია, ორი კი აქ გამავალი საავტომობილო მაგისტრალის მშენებლობის დროს მოიშალა.


გორათმა ჯერ კიდევ გასულ საუკუნეში მიიქცია ყურადღება.

XIX საუკუნის 90-იან წლებში, აქ აღმოჩნდა არაერთი საყურადღებო არქეოლოგიური ნივთი. ამის შესახებ, 1895 წელს, გაზეთი „ივერია“ აღნიშნავდა: „გორათის ეკლესიის მახლობლად მუშა ღეკებს აღმოუჩენიათ ძველი დროის აკლამები. გზისთვის საჭირო მიწა თურმე ამ აკლამებიდან ამოაქვთ და ბევრ სპილენძის ნივთებსაც კპოულობენ.



კპოულობენ დანებს, ხანჯლებს, ისრის ნამტვრევ ბოლოებს, ცულებს და აზიური სადგისების მაგვარ რაღაცებსაც, რომლებსაც მშვენიერი ხელოვნება ჯერ კიდევ კარგად ეტყობა. ეს ნივთები სულ სპილენძისაა(?). ბევრია იმისთანა ნივთებიც, რომელთაც სახელი ვერ დავარქვი. ბევრს კპოულობენ აგრეთვე კრიალოსნებს, ყელის ძეწკვებს, მაკრატლებს და სხვა. ყველა ეს ნივთი ძალიან კარგად შეშენახულა. ეს ნივთები თურმე რაღაც უპატრონობით იკარგება, რადგან პოვნისთანავე მუშა ღეკები ჰყიდიან... იმისთანა ნივთებიც ჰხვდებათ, რომლებსაც ზედ რაღაც გაუგებარი წარწერა აქვთ.“

ეს, რაც შეეხება გასულ საუკუნეს. იგივე პროცესი გრძელდება დღესაც. დღეს ადგილობრივი მოსახლეობა გორათზე სისტემატურად პოულობს საბრძოლო და ყოფით იარაღებს, სამკაულებს, თიხის ჭურჭლის ნატყებს. ეს ნაპოვნები მომდინარეობს ახლად გამართული სამარხებიდან. მოგეხსენებათ, რომ გორათის დასავლეთით ახალი სამარხების გამართვა მიმდინარეობს. ეს არის ზუსტად ის ადგილი, სადაც დაახლოებით სამი ათასი წლის წინ ძველი სამაროვანი მდებარეობდა.



თავად გორა უძველეს ნამოსახლარს წარმოადგენს, ხოლო ის ხალხი, რომელიც აქ ცხოვრობდა, გორის მიმდებარე ტერიტორიაზე იკრძალებოდა. ახალი სამარხების გამართვისას ხშირად იჩენს თავს სამი ათასი წლის წინანდელი ნივთები. საბუნებრივად, ხშირად ეს ნივთები ადგილობრივი მცხოვრების, მერაბ ჩაჩოიანცის დიდი გულისხმიერების წყალობით მუზეუმში ხვდება და არ იკარგება ჩვენი ისტორიისათვის, მაგრამ ზიანდება უძველესი სამარხები და ქრება უნიკალური ინფორმაცია ჩვენი წარსულის შესახებ.

ამ რამდენიმე დღის წინათ, ბატონმა მერაბ ჩაჩოიანცმა მუზეუმში კიდევ 6 ცალი არქეოლოგიური ნივთი მოიტანა, რომელიც ახალი სამარხის გამართვის დროს აღმოუჩენია. ესენია ბრინჯაოს 5 რგოლი (სამაჯური) და 1 შუბისპირი. რა თქმა უნდა, გასახარია ის ფაქტი, რომ მუზეუმის ფონდს დაემატა ბრინჯაოს ეპოქის კიდევ რამდენიმე უნიკალური ნივთი, მაგრამ ძალზე გულდასაწყვეტია, რომ მიუხედავად მრავალი წლის მოთხოვნისა, დღემდე ვერ მოხერხდა გორათზე არქეოლოგიური ექსპედიციის დაფინანსება და კვლავ გრძელდება უმნიშვნელოვანესი არქეოლოგიური ძეგლის, გორათის, დაზიანება.

გორათმა ქართულ არქეოლოგიაში დიდი ხანია დაიმკვიდრა ადგილი. ამ რამდენიმე წლის წინ აქ გაითხარა სამარხი (უფრო ზუსტად, ახალი სამარხის ადგილი ზუსტად დაემთხვა სამი ათასი წლის სამარხს), სადაც აღმოჩნდა უნიკალური არქეოლოგიური ნივთები: დიდორნი თიხის ჭურჭელი, ბრინჯაოს ქვაბი, სატევრები, კოლხური ცული, ბალთა, შუბისპირი. ეს ნივთები მეტად დიდ სიახლოვეს იჩენენ მეზობელი კოლხური კულტურის მიმართ. მაგრამ ერთმა აღმოჩენამ, რომელიც აქ 2009 წელს განხორციელდა, შეძრა ქართული არქეოლოგია. აქ აღმოჩნდა თიხის ქაღალევა-სასმისი, რომელიც ქართულ არქეოლოგიაში უნიკალურ მონაპოვარს წარმოადგენს.

რაში მდგომარეობს ამ ნივთის უნიკალურობა.

მისი განსაკუთრებულობა, პირველ რიგში, იმაში მდგომარეობს, რომ იგი ერთდროულად ღვთაებაც არის და სასმისიც. ნივთი გამოფენილი იყო 2017 წელს საფრანგეთის ქალაქ ბორდოში გამოფენაზე, რომლის სახელწოდება იყო: „საქართველო - ვაზისა და ღვინის სამშობლო“. მოგეხსენებათ რომ 2016 წელს ქალაქ ბორდოში დაარსდა ღვინის მსოფლიო ცივილიზაციის ცენტრი და მომდევნო 2017 წლის ზაფხული, პირველი გამოფენა ამ ცენტრმა მიუძღვნა საქართველოს, როგორც ღვინისა და ვაზის სამშობლოს. გამოფენაზე წარუზავნილ მრავალ ექსპონატს შორის გამოფენილი იყო ეს ნივთიც, როგორც ერთ-ერთი უნიკალური არტეფაქტი. ნივთი შეისწავლა არქეოლოგმა ბიძინა მურვანიძემ. მან მოგვცა ამ ნივთის სრული დახასიათება.

როგორც არქეოლოგი ბ. მურვანიძე აღნიშნავს, ნივთი სითხის ჩასასხმელი სარიტუალო ჭურჭელია, რომლის ტევადობა 220 გრამია. „თავისი ფორმითა და შინაარსით მას საქართველოს არქეოლოგიურ მონაპოვარში ანალოგი არ მოეპოვება. ცნობილია, რომ სარიტუალო ჭურჭლებს იყენებდნენ ყოფაში, მსხვერპლშეწირვის თუ მიცვალებულთა სულის მოსახსენებელ სხვადასხვა რიტუალში.“ (ბ. მურვანიძე, შემთხვევითი აღმოჩენა გორათში, ჟურნალი „იბერია-კოლხეთი“, თბ. 6, 2010 წ. გვ. 98.).

გორათში აღმოჩენილი ქანდაკება-სასმისი ფორმით მკვეთრად განსხვავდება სადღეისოდ ცნობილი ყველა სარიტუალო სასმისისაგან. განსხვავება გამოიხატება არა მარტო ფორმაში, არამედ შინაარსშიც. თუ სხვა არქეოლოგიურად აღმოჩენილ ცალეებში სასმისი ან ყანწირი-ტონი ადამიანს უჭირავს ხელში, გორათის შემთხვევაში იგი თავად ადამიანის სტილიზებული ფორმითაა წარმოდგენილი სასმისის ფუნქციით, მხოლოდ სითხის ჩასასხმელი ადგილი პატარა ჭურჭლის სახით ზურგზე აქვს დაძერწილი.

დაბოლოს, ბ. მურვანიძე აღნიშნავს: „აშკარაა, რომ გორათის ქანდაკება-სასმისი სარიტუალო დანიშნულების ჭურჭელია. არ არის გამორიცხული, რომ გორათის ქანდაკება-სასმისი ნაყოფიერების ღვთაებას წარმოადგენდეს. ქალის თიხის ქანდაკებები ხომ დამახასიათებელი არტეფაქტია ნამოსახლარებისათვის და ნაყოფიერების სიმბოლოდაა მიჩნეული“ (ბ. მურვანიძე, დასახ. ნაშრომი, გვ.99.).

ამ ცნობების მოტანა იმისათვის დაგეგმილია, რომ გორათის უნიკალური სამაროვანი გადარჩენას საჭიროებს. იგი დიდი ინფორმაციის შემცველია ჩვენი წარსულის შესახებ. აქ მოპოვებული მასალა ფასდაუდებელ სამსახურს გაუწევს ჩვენს ისტორიას და ჩვენს მხარესაც სრულიად განსაკუთრებული კუთხით წარმოაჩენს ქართულ თუ მსოფლიო არქეოლოგიაში.

ჯონდო ჭიტიაშვილი,  
ხაშურის მხარეთმცოდნეობის მუზეუმის არქეოლოგიის  
კოლექციის მცველი

ამ დღეებში, მუნიციპალიტეტის საკრებულოს სოციალურ საკითხ-თა კომისიამ მოისმინა ხაშურის საბიბლიოთეკო გაერთიანების დირექტორის ანგარიში ექვს თვეში გაწეული მუშაობის შესახებ. დღეს მკითხველს ამ ანგარიშს ვთავაზობთ.

საბიბლიოთეკო გაერთიანებაში შედის 5 ბიბლიოთეკა : ხაშურის მთავარი ბიბლიოთეკა, ხაშურის საბავშვო, სურამის, ხცისის და ცხრამუხის ბიბლიოთეკები.

ხუთივე ბიბლიოთეკა მთელი დატვირთვით მუშაობს, ვახორციელებს სხვადასხვა პროგრამებსა და პროექტებს მოსახლეობის განათლების და ინტელექტუალური პოტენციალის ასამაღლებლად.

ბოლო წლებია ბიბლიოთეკამ საჯარო სივრცის ფუნქცია შეითვისა და ის მხოლოდ წიგნის შესანახი ადგილი არაა, თანამედროვე ბიბლიოთეკას არის საჯარო სივრცე, სადაც ყველა მოქალაქეს შეუძლია ისარგებლოს უსასყიდლოდ და მიიღოს ყველა სახის ინფორმაცია.

ამის გარდა, ბიბლიოთეკებში ტარდება შეხვედრები მწერლებთან, პოეტებთან, „ცოცხალ წიგნებთან“, მოსწავლეებისათვის და მოზრდილთათვის არის სხვადასხვა კლუბები, ხორციელდება პროგრამები და პროექტები. წარმოგიდგინებთ ღონისძიებების ჩამონათვალს, რაც ჩვენს ბიბლიოთეკებში ჩატარდა :

მოეწყო შეხვედრა საბავშვო მწერალთან ირმა მაღაციქესთან, ჩატარდა დებატები თემაზე: „საქართველოს უახლესი ისტორიის გააზრება და დებატები სახალხო დიპლომატიისაზე“

შეხვედრა პენრი კუპრაშვილთან, რომელმაც საკუთარი ბიბლიოთეკა გადმოგვცა და 1700 წიგნით გაამდიდრა ჩვენი ფონდი. ჩატარდა ღონისძიება ზვიად გამსახურდიას 80 წლის იუბილესთან დაკავშირებით;

მოეწყო შეხვედრა ხაშურის ეროვნული მოძრაობის მონაწილეებთან და დებატები საქართველოს წარსულსა და მომავალზე.

პერიოდულად ტარდება კალენდარული ლიტერატურული გამოფენები.

ჩატარდა საჯარო ლექცია თემაზე „ ინფორმაციული მიგრაცია „უსახლგრო შესაძლებლობები“.

ბიბლიოთეკის შენობაში არსებულ ოკუპაციის მუზეუმში პერიოდულად ტარდებოდა შეხვედრები, მონაწილეობას იღებენ სხვადასხვა სკოლები, ჩატარდა პრეზენტაციები თემაზე: „რას მოგვითხრობს წარსული, ხაშურში არსებული შენობა ნაგებობები“;

მოეწყო ჯუმბერ ლეჟავას სახელობის მეცნიერებათა მრავალპროფილიანი საერთაშორისო აკადემიის მიერ გამოცემული „ანთოლოგიის“ VII ტომის წარდგინება.

ასევე ლიტერატურული სადამოები: შემოქმედებითი სადამო თამაზ ჩადუნელთან და ბელა ალანასთან ერთად.

დედა ენის დღეს მიეძღვნა თემატური სადამო: „ხმათა ხავერდების და ღმერთების ენა“;

მოსწავლეებისათვის მოეწყო პრეზენტაცია თემაზე „ახდენს თუ არა მარისუანა გაგენას ადამიანის ჯანმრთელობაზე“.

„წიგნის საჯაროდ კითხვის მსოფლიო დღე“ ინტერვიუ საზოგადოების სხვადასხვა წარმომადგენლებთან. 23 აპრილი - წიგნის ჩუქების დღე - ვახუშთ ერთმანეთს წიგნები

ლექცია თემაზე: ქალთა უფლებები დიქტატორული რეჟიმის დროს; ხაშურის მე-2 საჯარო სკოლის მოსწავლის ნუცა ჩიტაძის საქველმოქმედო სადამო;

შემეცნებითი კლუბი „მაძიებელი“-ს პრეზენტაცია თემაზე „ხაშურის ისტორიული წარსული და ისტორიული ნაგებობები“.

### ხაშურის საბიბლიოთეკო გაერთიანების მიერ მიმდინარე წლის 6 თვეში გაწეული მუშაობის ანგარიში

გასვლითი ღონისძიება: სოფელ თონეთში ახალი ბიბლიოთეკის გახსნის ღონისძიებაში მონაწილეობის მღება და მათთვის წიგნების საჩუქრად ჩატანა.

სტუმრად ბათუმის საჯარო ბიბლიოთეკაში, ახალი საბიბლიოთეკო სივრცის გახსნის ღონისძიებაში მონაწილეობა , ჩვენი მკითხველების მიერ ლიტერატურული სპექტაკლით „ჩემი გალაკტიონი“, რომელიც წარმოადგინეს ხაშურის მე-7 საჯარო სკოლის მოსწავლეებმა, პედაგოგები ნონა ტყვინაძე და ლალი პაპუაშვილი.

ახალი წიგნების გამოფენა. თანამშრომლობა გამომცემლობებთან .

შეხვედრები ჩვენს თანამოქალაქე პოეტებთან - ნუნუ ტაბატაძესთან, მურად მთვარელიძესთან.

კლუბ „ათინათი“ის პროექტი „ვან გოგის სამყაროში“

ხაშურის ბიბლიოთეკასთან ფუნქციონირებს ხაშურის ამერიკის კუთხე, რომელიც ახორციელებს შემდეგ პროგრამებს და პროექტებს : მობილური პროგრამა “სოფლის ბიბლიოთეკებისათვის” , კრიტიკული აზროვნების კლუბი ინგლისურ ენაზე, თარგმანის კლუბი, სასაუბრო კლუბი ბავშვებისათვის და ზრდასრულებისათვის ინგლისურ ენაზე, და შთამბეჭებელი უნარებისა და ტექნოლოგიების სიახლეებზე ორიენტირებული პროექტი : დებატების სკოლა უფროსკლასელებისათვის, ხაშურის სამუშაო გაერთიანების პროფესიული გაძლიერება ტურისტული პოტენციალის განვითარების მიზნით. მასწავლებლებისათვის პლატფორმა “Learning Up” ქალთა სამოქალაქო და პიროვნული გაძლიერება , გაღაწვეტილების მიმღები ქალები ( სოფლელ მცხოვრები ქალებისათვის).



მაკა დიდებულისა, ა(ა)იპ მუნიციპალიტეტის საბიბლიოთეკო გაერთიანების დირექტორი

### ქვიშეთში დიმიტრი ყიფიანის სახლ-მუზეუმის რეაბილიტაციის პროცესი სრულდება

შენობა კულტურული მემკვიდრეობის ძეგლის სტატუსს ატარებს, ამიტომ პროექტი სტანდარტების სრული დაცვით ხორციელდება.

სამუშაოების მიმდინარეობას ადგილზე აკვირდებოდნენ ხაშურის მუნიციპალიტეტის მერი გიორგი გურასპაშვილი, მერის მოადგილე ზურაბ როსებაშვილი და ინფრასტრუქტურის განყოფილების უფროსი გიორგი პაპიაშვილი.

მათი განმარტებით, სახლ-მუზეუმის რეაბილიტაცია ადგილობრივი ბიუჯეტისა და რეგიონებში განსახორციელებელი პროექტების ფონდის თანადაფინანსებით ხორციელდება და მილიონამდე ლარს ითვლის.

ქართველი საზოგადო მოღვაწის, პუბლიცისტის, ლიტერატორის და მთარგმნელის დიმიტრი ყიფიანის სახლ-მუზეუმი ზაფხულის ბოლოსთვის შეძლებს დამთვალიერებლის მიღებას.



### ინმინდება მდინარე სურამულას ქალაპოტი

მდინარე სურამულას ქალაქ ხაშურის მონაკვეთზე კალაპოტის გაწმენდის სამუშაოები მიმდინარეობს. სამუშაოებს ა(ა)იპ “ხაშურსერვისი” ახორციელებს.

მდინარის კალაპოტის წმენდის სამუშაოები შესაძლო სტიქიის პრევენციის მნიშვნელოვანი წინაპირობაა.



16-დან 26 ივლისის ჩათვლით, ორგანიზაცია „ხაშურის რეგიონის განვითარების ასოციაცია“ (Association for Khashuri Region Development) განხორციელდა პროექტი სახელწოდებით „გარემოსდაცვითი განათლების ახალგაზრდული მწვანე ბანაკი“. 10 დღიანი ბანაკი ახალგაზრდებისთვის წარმოადგენს, შემეცნებით-გასართობ ცენტრს და მიზნად ისახავს, მოსწავლეებს შორის გარემოს დაცვის, კლიმატის ცვლილების, ნარჩენების მართვის, ადგილობრივი ტურისტული პოტენციალის, მდგრადი განვითარების მიზნების შესახებ ცოდნის გადაცემას, თეორიული და პრაქტიკული აქტივობების გზით. აგრეთვე ახალი გამოწვევებისთვის ახალგაზრდების მზადყოფნის ხელშეწყობა.

# გარემოსდაცვითი განათლების ახალგაზრდული „მწვანე ბანაკი“ - სურამში



ბას, ინიციატივების წახალისებას, გუნდური მუშაობისა და პროექტების მართვის უნარების გაძლიერებასა და მომავალი ლიდერებისთვის ახალი შესაძლებლობების შექმნას. ჩვენ დაბა სურამისკენ გავუშურეთ და სასტუმრო „სურამს“ ვესტუმრეთ, რომელიც ბანაკის ლოკაციად შეირჩა. ბავშვები მუშა პროცესში დაგვხვდნენ, სურამის ციხეზე წასასვლელად ემზადებოდნენ. პროექტის შესახებ კი ვრცელი ინფორმაცია ხაშურის რეგიონის განვითარების ასოციაციის დამფუძნებლისა და დირექტორის

- რომელ ლოკაციებზე გაქვთ დაგეგმილი გასვლითი ტურები?

- მოვინახულებთ სურამის ციხეს და დავასუფთავებთ აღნიშნულ ტერიტორიას, აგრეთვე, მოვინახულებთ იტრიის და კვირაცხოვლის ტაძრებს. წავალთ ხცისში და წრომში. აღნიშნულ ლოკაციებზე ბავშვები თავადვე გააკეთებენ პრეზენტაციებს. უნდა აღვნიშნო, რომ ისინი გაოცდნენ მუნიციპალიტეტში.

- რამდენი ბავშვია ბანაკში და რა ასაკობრივ ჯგუფებზეა გათვლილი ბანაკი?

- „მწვანე ბანაკში“ მონაწილეობს ხაშურის მუნიციპალიტეტში მცხოვრები 13 დან 17 წლამდე ასაკის 40-მდე მოზარდი და ბანაკში მოწვეული ახალგაზრდა ლიდერები.

- რით არის მნიშვნელოვანი ეს პროექტი ბავშვებისთვის?

- ბანაკი, რა თქმა უნდა, მნიშვნელოვანია ბავშვების განვითარებისთვის. ჩვენ გავივლით უამრავ თემას, რომელიც შეეხება მსოფლიოს



რის და პროექტის ხელმძღვანელისგან დიანა გელაშვილისგან მივიღეთ. - ქალბატონო დიანა, გვიამბეთ, უფრო ვრცლად აღნიშნული პროექტის შესახებ?

- პროექტი გულისხმობს გარემოსდაცვით განათლებას. ჩვენი ერთ-ერთი მიზანია ხაშურის ტურისტული პოტენციალის წინ წამოწევა და გაცნობა. ვცდილობთ, ეს ინფორმაცია მაქსიმალურად გავუზიაროთ ჩვენ მოსწავლეებს. ბანაკის თემატურ სესიებს უძღვებიან დარგის სპეციალისტები, რომლებსაც ვიწვევთ როგორც საქართველოში მოქმედი პროფილური ორგანიზაციებიდან ისე ევროპიდან. ამასთან, ვასწავლით ბლოგებზე სტატიების განთავსებას. დღეს, ჩვენი მეგობარი, ტრენერი გიორგი ჩუბინიძე მოვიწვიეთ ამ თემასთან დაკავშირებით, რომელიც ტრენინგს ჩაატარებს მათთვის. ასევე, მხარეთმცოდნეობის მუზეუმის თანამშრომელი, ექსპონატების მცველი, მზია ლობუანიძე ჩაგვეერთება საინტერესო თემებით. თეორიული მასალის გაცნობასთან ერთად, პარალელურად გვექნება გასვლითი ტურები ხაშურის მუნიციპალიტეტის მასშტაბით.

კლიმატურ ცვლილებებს, ჰაერის დაბინძურებას, გარემოსდაცვით საშუალებებს და ყოველივე ამის გათვალისწინებით მიმოვიხილავთ ჩვენს ქვეყანაში შექმნილ ვითარებასაც, ამ კუთხით. აქვე დავამატებ, როდესაც ისინი ზღვა გამოციდებლას დააგროვებენ და სექტემბერში დაბრუნდებიან სკოლებში, მათ უნდა შეძლონ აქ მიღებული ცოდნის თანატოლებისათვის გაზიარება. ეს ბავშვები გახდებიან სპიკერები გარემოსდაცვით საკითხებზე.

- როგორც ვიცით, აპირებთ მასშტაბური გამწვანების აქციის ჩატარებას ყოფილი აგურის ქარხნის ტერიტორიაზე..

- დიახ, ასეა. დასკვნითი ეტაპზე, ყოფილი აგურის ქარხნის ტერიტორიაზე, რომელიც შემოიღობა და განისაზღვრა, როგორც რეკრეაციული ზონა, გვექნება მასშტაბური გამწვანების აქცია, დავრგავთ ათასობით ხის ნერგს. როგორც იცით, პროექტს ლიტვის საელჩო აფინანსებს და ნერგებითაც უზრუნველგვყოფს. პროექტის პარტნიორია: საქართველოს მწვანეთა მოძრაობა (The Greens Movement of Georgia)

- პროექტისთვის შერჩეული ბავშვები მხოლოდ ხაშურის მუნიციპალიტეტიდან არიან? რის მიხედვით შერჩნენ ისინი?

- ყველა ბავშვი ჩვენი მუნიციპალიტეტიდან არის, მათ შორის, სოფლებიდანაც. ბავშვებისგან მივიღეთ განაცხადები და სამოტივაციო წერილები და სწორედ ამ წერილების საფუძველზე შევარჩიეთ ისინი, ჩვენ გვსურდა გარემოსდაცვითი საკითხები ყოფილიყო საინტერესო და სენსიტიური. ცხადია, ჩვენთან გასართობი აქტივობების ნაწილიც არის, მაგრამ გაართობასთან ერთად ბანაკში ნაყოფიერი მუშა პროცესიც უნდა ყოფილიყო. უნდა აღინიშნოს, რომ ბანაკში მონაწილეობის მსურველთა რაოდენობა საკმაოდ მაღალი იყო. სულ 80 განაცხადი მივიღეთ. თინა ახალკაცი

**D განცხადება!**  
საქართველოში მოქმედი სარესტორნო ქსელური კომპანია „VD-Capital“-ი, რომლის შემადგენლობაშიც შედის: „თაღლაურა“ და „სამიკიტნო-მაჭარელა“ რესტორნები, სამუშაოდ და სასწავლებლად იწვევს მსურველებს შემდეგ პოზიციებზე: მზარეული, მცხობელი, მიმტანი!  
დეტალური ინფორმაციისთვის დაგვიკავშირდით ნომერზე: 577 627 - 627.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე,  
მისამართი: ხაშური, ტაბიძის ქუჩა №2. ტელეფონი: 24 30 27.  
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.  
D-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.